

杭縣志稿

第二十册
市井遊題



地之60.13

42

市井遊

杭縣志稿卷二十五

文徵目錄二

詩紀

一蘇頌詩

八顧况詩

二皇甫冉詩

九李紳詩

三韋應物詩

十周匡物詩

四李端詩

十一白居易詩

五崔峒詩

十二張祐詩

六丘丹詩

十三許渾詩

七沈仲昌

十四劉咸詩

杭縣志稿

卷二十五

一

十五朱冲和詩

十五司馬樵詩

十六蔡襄詩

十六許遵詩

十七范仲淹詩

十七秦觀詩

十八林逋詩

十八釋道潛詩

十九元居中詩

十九張商英詩

二十蘇軾詩

二十張光弼詩

二十一王安石詩

二十一汪藻詩

二十二蘇轍詩

二十二教陶孫詩

二十三趙抃詩

二十三林次麟詩

二十四楊傑詩

二十四呂紘詩



87 14136

三五沈汝諧

四十五利登詩

三六朱熹詩

四十六張良臣詩

三七王同祖詩

四十七黃復之詩

三八李綱詩

四十八方岳詩

三十九楊萬里詩

四十九樓鑰詩

四十范成大詩

五十趙希樞詩

四十一高翥詩

五十一吳龍翰詩

四十二黃文雷詩

五十二牟巖詩

四十三宋南杰詩

五十三汪元量詩

四十四許棐詩

五十四高九万詩

杭縣志稿

卷二十五

五十五薩都刺詩

六十五唐元詩

五十六揭傒斯詩

六十六高啟詩

五十七陳基詩

六十七黃世貞詩

五十八錢惟善詩

六十八田藝蘅詩

五十九陳高詩

六十九徐如翰詩

六十吳景奎詩

七十平顯詩

六十一陳天錫詩

七十一文徵明詩

六十二張觀光詩

七十二曹學全詩

六十三鮮于樞詩

七十三徐懋升詩

六十四張輅詩

七十四殷雲霄詩

七十五徐應亨詩

八十五李暉詩

七十六陶宗儀詩

八十六吳寬詩

七十七周致堯詩

八十七釋戎襄詩

七十八貝瓊詩

八十八丁養浩詩

七十九蘇平詩

八十九沈謙詩

八十釋明方詩

九十王士禎詩

八十一吳太冲詩

九十一王士祿詩

八十二釋良琦詩

九十二王丹麓詩

八十三聶大年詩

九十三厲鶚詩

八十四史鑑詩

九十四吳錫麟詩

杭縣志稿

卷二十五

三

九十五吳錫麒詩

一百零五屠倬詩

九十六汪嘉植詩

一百零六關鏜詩

九十七沈心詩

一百零七吳振棫詩

九十八陳杞詩

一百零八何承蘇詩

九十九徐廷錫詩

一百零九吳藻詩

一百符曾詩

一百一十魏謙升詩

一百零五王乃斌詩

一百一十一王暉詩

一百零二周天度詩

一百一十二孫士毅詩

一百零三沈鵬詩

一百一十三王文誥詩

一百零四張應昌詩

一百一十四姚光普詩

一百五衛銳鋒詩

一百六俞樾詩

一百十七臨平三十詠

杭縣志稿 卷二十五

四

蘇頲字廷碩武功人
官工部侍郎

送常侍舒公歸觀

朝聞講藝餘，晨省拜恩初。
訓胄尊庠序，榮親耀里閭。
朱丹華轂送，班白綺筵舒。
江上春流滿，還鄉薦躍魚。
故右散騎常侍舒國公褚公挽歌

陽翟疏豐構，臨平演慶源。
學筵尊授几，儒服寵乘軒。
審諭留中密，開陳與上言。
祖輝一不惜，空有賜東園。

皇甫冉字茂政丹陽人
官右補闕

臨平道中贈同舟人

遠山誰辨江南北，長路空隨樹淺深。
流蕩飄飄此何

極惟應行客共知心。

韋應物京兆人官左司郎中蘇州刺史

送邱員外還臨平山居

長棲白雲表，暫訪高齋宿。遷辭郡邑喧，歸泛松江綠。
結茅隱蒼嶺，伐薪響深谷。同是山中人，不知往來躅。
靈芝非庭草，遼鶴委池鶩。終當署里門，一表高陽族。
重送邱二十二還臨平山居

歲中始再邁，方來又解携。纔留野艇語，已憶故山棲。
幽澗人夜汲，深林鳥長啼。還持郡齋酒，慰予宿露淒。
送邱員外歸臨平山

杭縣志稿

卷二十五

五

郡閣始嘉宴，青山憶舊居。為君量革履，且願住籃輿。

贈邱員外二首錄一首

高辭棄浮靡，貞行表鄉閭。未真南宮拜，聊偃東山居。
大藩本多事，日與文章疏。每一睹之子，高詠遂起予。
宵晝方連宴，煩惱亦頓祛。格言雅誨闕，善謔矜數餘。
久跼思遊曠，窮慘遇陽舒。虎丘愜登眺，吳門悵躊躇。
方此戀携手，豈云還舊墟。告諸吳子弟，文學為何如。

李端爵里未詳

送邱丹歸江東

故山霜落後，才子憶荆扉。旅舍尋人到，秋回逐雁歸。

夢愁楓葉盡，醉惜菊花稀。肯學求名者，經年未拂衣。
崔峒 官補闕

初除拾遺酬邱十二見寄

江海久垂綸，朝衣忽掛身。丹墀初謁帝，白髮免羞人。
才媿文章士，名當諫諍臣。空餘薦賢力，不敢負交親。
邱丹

奉酬韋使君送歸臨平山居作

側聞郡守至，偶乘黃犢出。不別桃源人，一見經累日。
蟬鳴念秋稼，蘭酌動離瑟。臨水降魔幢，野艇繞容膝。
參差碧山路，日送江帆疾。涉海得驪珠，棲梧慙鳳質。
杭縣志稿 卷二十五 六

媿非鄭公里，歸掃蒙蘿室。

奉酬重送歸臨平山

賣藥有時至，自知往來疏。遽辭池上酌，新得山中書。
步出芙蓉府，歸乘轂茀車。猥蒙招隱作，豈媿班生廬。

沈仲昌 臨汝人 天寶九年進士 寶

狀江南仲秋

江南仲秋天，鱣鼻大如船。雷是樟亭浪，苔為界石錢。
顧况

臨平塢雜題

山逕柳

宛轉若遊絲。淺深裁綠。岫年年立春後。即被嘯鶯占。
石上籐

空山無鳥跡。何物如人意。委曲結絕文。離披草書字。
薜荔庵

薜荔作禪庵。重疊庵邊樹。空山徑欲絕。也有人知處。
芙蓉樹

風擺蓮衣乾。月背烏巢寒。文魚翻亂葉。翠羽上危欄。
焙茶塢

新茶已上焙。舊架憂生醜。旋旋續新煙。呼兒劈寒木。
歌松漪

杭縣志稿 卷二十五 七
湛湛碧蓮漪。老松欹側卧。悠揚綠蘿影。下披波紋破。

彈琴谷
谷中誰彈琴。琴響谷冥寂。因君扣商調。草蟲驚暗壁。

白鷺汀
霏靡汀草碧。淋森鷺毛白。夜起沙月中。思商捕魚策。

千松嶺
終日吟天風。有時天籟止。問渠何旨意。恐入凡人耳。

黃菊灣
時菊凝曉露。露華滴秋灣。仙人釀酒熟。醉裏飛空山。

臨平湖

采藕平湖上，藕泥封藕節。船影入河香，莫衝蓮柄折。

山春洞

引燭踏仙泥，時時亂乳燕。不知何道士，手把靈書卷。

石竇泉

吹沙復歎石，曲折仍圓旋。野客激流時，杯粘落花片。

古仙壇

遠山誰放燒，疑是壇邊醮。仙人錯下山，拍手壇邊笑。

訪邱員外丹

五月五日日亭午，獨自騎驢入山塢。來到君家不見

君，下驢倚杖叩君戶。驚起山童開山扉，黃犬擺尾銜

杭縣志稿

卷二十五

人衣。試問先生往何處，云入山中採紫薇。平明一去

今未歸，引我池中看釣磯。池中數箇白鷗兒，見人慣

後癡不飛。待君歸來君未歸，卻復騎驢下翠微。

李紳

字公垂，潤州無錫人。官至檢校右僕射平章事。節度淮南，贈太尉。謚文肅。有詩文集四卷。

卻到浙江

出杭州界入蘇州，八年浙西六郡災。旱，百姓饑殍道

路相望。米價翔貴，是歲浙東大稔。因請出米五萬斛，

賤估以救浙西。居人詔下蒙允。是歲王璠不奏饑旱，

反怒鄰境所救，以為賣己。遂與王涯合計，誣構罔上，

奏陳米非官米，足私求利。及璠伏誅，蒙聖恩加察姦。

邪所罔初入浙西蘇州界吳人以郵災之患猶懼旌
旛留戒於迴野之處不及城郭之所則相拜泣于舟
楫前是歲盧周仁為蘇州刺史

臨平水竭蒹葭死里社蕭條旅館秋嘗歎晉郊無乞
糴豈忘吳俗共分憂野悲揚目稱嗟食林極翳桑顧

所求苛政尚存猶揚息老人偷拜擁前舟原注臨平湖竭鄉人

言有饑患是歲中水竭魚鳥皆死

周匡物字幾本漳州人元和十一年李逢吉下進士

及第時以詩著名家貧徒步應舉至錢唐乏

應舉題錢唐公館

杭縣志稿卷二十五

萬里茫茫天塹遙秦皇底事不安橋錢唐江上一作

無錢渡過一作又阻西陵兩信潮按此詩或作施肩吾

亦畧易數字云天塹茫茫連沃焦秦皇何事不安橋錢塘渡口無錢納已失西興兩信潮

白居易長慶二年七月自中書舍人出守杭州

予以長慶二年冬十月到杭州明年秋九月始與

范陽盧賈汝南周元範蘭陵蕭悅清河崔求東萊

劉方輿同游恩德寺之泉洞竹石藉甚久矣及之

目擊果愜心期因自跋云到郡周歲方來入寺半日

復去俯視朱綬仰睇白雲有媿於心遂留絕句

雲水埋藏恩德洞簪裾束縛使君身暫來不宿歸州

去應被山呼作俗人

張祐字承吉南陽人。以處士僑居丹陽。一云交河人。後知南海。

過臨平

三月平湖草欲齊。綠楊分影入長隄。田家起處烏猶吠。酒客醒時謝豹啼。山檻正當蓮葉渚。水塍新築稻秧畦。人間漫說多歧路。咫尺神仙路欲迷。

許渾字仲晦丹陽人。太和六年進士官至監察御史。

與裴秀才自越西歸阻凍登邱山寺

春草越吳間。心期旦夕還。酒香聞客病。詩境遇僧閒。倚棹冰生浦。登樓雪滿山。東風不可待。歸鬢坐來斑。

杭縣志稿 卷二十五 十

劉咸會昌時人

游東湖王處士園林

偶向東湖更向東。數聲雞犬翠微中。遙知楊柳是門處。似隔芙蓉無路通。樵客出來山帶雨。漁舟過去水生風。物情多與閒相稱。所恨求安計不同。

朱冲和錢塘酒徒。與張祐同時。 以上唐人

遺臨平監吏

三千里外布干戈。果得鯨鯢入網羅。自恨寶刀無殺氣。只緣君處受恩多。

蔡襄字曼卿。興化仙遊人。官端明殿學士。有忠惠公文集。

杭州臨平華嚴寺西軒見芍藥垂枝追想吉祥

院賞花慨然有感書呈蘇才翁原注辛卯四月秋碧堂帖本華

嚴作精嚴

吉祥亭下萬千枝看盡將開欲落時
卻是雙紅有深意故留春色綴人思

烘簾微照自生光吹面輕風與送香
誰把金刀收絕艷醉紅深淺上釵梁

的的名花對酒樽欄邊沉醉月黃昏
今朝闕外尋蘭若忽見孤芳欲斷魂

蘭若秋碧堂帖作蘭惹

范仲淹字希文吳縣人累官戶部侍郎卒贈兵部尚書謚文正皇祐元年正月乙卯自知鄧州移

杭縣志稿卷二十五 十一

知杭州

風水洞

風水洞

神仙一去幾千年自遣秦人不得還
春盡桃花無處覓空餘流水到人間

林逋字君復錢塘人

風水洞

風水洞

平昔嘗聞風水洞重山複水去無窮
因緣偶入雲泉路林下先聞接客鐘

元居中錢唐人康定中台州守官至太常少卿熙寧二年與知杭州祖無擇詩人張

風水洞

風水洞

蘇軾熙寧四年
通判杭州

往富陽新城李節推先行三日留風水洞見待熙寧

六年正月二十七日游時公年三十八李節推名
必見烏臺詩案及傳藻紀年錄

春山磔磔鳴春禽此間不可無我吟路長諸書引作
長路今從

集本漫漫傍江浦此間不可無君語金鯽池邊不見君

追君直過定山村路人皆言君未遠騎馬少年清且

杭縣志稿 卷二十五

十二

婉風巖水穴舊聞名只隔山溪夜不行溪橋曉溜浮

梅萼知君繫馬巖花落出城諸書引作出
行今從集本三日尚遠

遲妻拏怪罵歸何時世上兒誇疾走如君相待今安

有

風水洞二首和節推

風轉鳴空穴泉幽寫瀉李志西湖志作
今從集本石門虛心聞地

籟妄意覓桃源過客詩難好居僧語不繁李氏西湖
志作煩今

從集本歸瓶得冰雪清冷慰文園

山前乳李氏西湖志作
雨今從集本水隔塵凡山上仙風無檜杉

細細龍鱗生亂石團團羊角轉空巖馮夷窟宅非梁

棟御寇車輿謝轡銜世事漸艱吾欲去永隨二子脫
譏讒

與葉瀉老侯敦夫張秉道同相視新河秉道有
詩次韻二首

君不見元帥府前羅萬戟濤頭未順千弩射至今鳳
凰山下路長借一箭開西翼我鑿西湖還舊觀一眼
已盡西南碧又將回奪浮山險千艘夜下無南北坐
陳三策本人謀惟留一諾待我畫老病思歸真暫寓
功名如幻終何得從來自笑畫蛇足此事何殊食雞
肋憐君嗜好更迂濶得我新詩喜折屐江湖麤了我
杭縣志稿一卷二十五
十三

竟歸餘事後來常潤色一庵閑卧洞霄宮井有丹砂
水長赤

荆溪父老愁三害下斬虎蛇本無賴平生倔强韓退
之馮云七集本續集字猶為鱷魚戒石門之役萬

全耳首鼠不為吾已隘江湖開塞古有數雨鵠飛來
告成壞勸農使者非常人一言已破黎民駭上饒使
君吏超軼坐睨浮山如累塊髯張乃我結襪生詩酒
淋漓出狂恠我作水衡生作丞他日歸朝期同拜注施

也勸農使者非常人謂溫叟上饒使君更超軼謂侯臨
歸錢時客于杭也髯張既超然老潛亦絕倫亦指秉道
也瀉老溫叟字敦夫侯臨字張秉道乃吳興六客之

雪後至臨平與柳子玉同至僧舍見陳慰烈
落帆古戍下積雪高如邱強邀詩老出疏髯散颼颼
僧房有宿火手足漸和柔靜士素寡言相對自忘憂
銅鑪擢煙穗石鼎浮霜漚我行雖有程坐穩且復留
大哉天地間此生得浮游

次韵杭州裴惟甫

陳善萬曆志此題作過臨平次韵

餘杭門外葉飛秋尚記居人挽去舟一別臨平山上
塢五年雲夢澤南州淒涼楚些緣君發邂逅秦淮為
子留寄謝西湖舊風月故應時許夢中遊

題安平泉

杭縣志稿

卷二十五

十四

聞說山根別有源撥雲尋逕興飄然鑿開海眼知何
代種出菱花不記年煮茗僧誇甌泛雪煉丹人化骨
成仙當時陸羽空收拾遺卻安平一片泉

遊佛日寺

佛日知何處皋亭有路通鐘聞四十里門對兩三峯
題佛日寺禪長老方丈詩

陶令思歸久未成遠公不出但聞名山中只有蒼髯
叟數里蕭蕭管送迎

其二

千株玉槩攬雲立一穗珠旒落鏡寒何處霜眉碧眼

客結為三友冷相看。

其三

東麓雲根露角牙。細泉幽咽走金沙。不堪土肉埋山骨。未放蒼龍浴渥洼。

其四

食罷茶甌未要深。清風一榻抵千金。腹搖鼻息庭花落。還盡平生未足心。

其五

日射迴廊午枕明。水沈消盡碧烟橫。山人睡覺無人見。只有飛蚊繞鬢鳴。

杭縣志稿

卷二十五

十五

北高峯

言遊高峯塔。蓐食治野裝。火雲秋未衰。及此初旦涼。露霏巖谷暝。日出草木香。嘉我同來人。久便雲水鄉。相觀小舉足。前路高且長。古松攀龍蛇。怪石坐牛羊。漸聞鐘磬音。飛鳥皆下翔。入門空無有。雲海浩茫茫。惟見龔道人。老病時絕糧。問年笑不答。但指空藜床。心知不復來。欲歸更徬徨。贈別留疋布。今歲天蚤霜。

王安石

字介甫撫州臨川人官至宰相

祭上人遽欲歸以詩留之

道人傳業自天台。千里脩

沈謙臨平記引然赴感來作蕭令從詩集

梵行毗沙為外護法筵靈曜得重開已能為我迂神
足便可隨方長聖胎肯顧北山如慧約與公西崦劇
莓苔

蘇轍

字子由與兄軾同
登進士舉制科

和子瞻題風水洞

風送江湖滿洞天洞門可聽入無緣土囊鬱怒聲初
散石齒聾牙勢未前樂奏洞庭真跌宕歌傳帝所亦
清便何入隱几觀遺韻重使顏成問答然

趙抃

字閱道西安人熙寧三年四月以資政殿大學
士知杭州又熙寧十年五月癸亥自知越州以

資殿大學士右諫
議大夫移知杭州

杭縣志稿

卷二十五

十六

風水洞

風穴有聲連水洞聽風觀水暫閒身杭州未入從容
甚且與南山作主人

遊海雲洞

縹緲齊雲閣遙聞摸石池物華春已盛人意樂無涯
羅綺一山遍旌旗十里隨花棚夾歸道繞騎看星馳

楊傑

字次公號無
為官侍郎

遊臨平佛日

咸通志引此有序云佛日山淨慧
道場瞻禮懷禪師塔時長老彌公

即阿育王大覺禪師之嗣也予
出山酌甘泉而別因留詩云

佛日山前水行人甘露杯須知源派遠直自四明來

司馬樵錄字才叔溫公光之重孫樵兄棫字才仲輟耕
錢塘幕官才叔之游風水洞在其省兄幕中時與按
臨平記直以才仲為樵字為錢塘幕官者即樵也與
定鄉小
識異

遊風水洞

藤梢蔓荒寒，鮮花蔭空青。窈窕石竇中，兩耳風雨并。
初聞聲蕭騷，活火急銅瓶。再聽逗餘響，萬羽起寒汀。
我疑此山空，石脚連滄溟。中有蛟龍蟄，鼻息隱雷霆。
又疑仙翁去，丹竈留巖扃。至今爐鼎中，水火爭不停。
山前老比丘，霜眉眼如螢。能傳古老語，濯吾耳昕醒。
便欲委塵凡，脫拔隨爽靈。

杭縣志稿 卷二十五

十七

遊臨平佛日

水冷苔生暈，風高竹度涼。道人何處去，春色半滄浪。
許遵 字仲達 泗州人

風水洞

水洞連風洞，精藍兩洞前。山高易藏日，樹老不知年。
板有華宗什，名留少傅篇。煙波門外境，寂寞變桑田。
秦觀 字少游 揚州人
官博士 正字

遊臨平佛日

五里喬松徑，千年古道場。泉聲與嵐影，收拾入僧房。
釋道潛 姓何氏 號參寥 於潛人
出家智果寺

過臨平

風蒲獵獵弄輕柔。欲立蜻蜓不自由。五月臨平山下路。藕花無數滿汀洲。

張商英字天覺。蜀州新津人。大觀三年十二月。以龍圖閣學士知杭州。

風水洞

嶺頭松竹自生寒。兩穴茫茫徹鬼關。風竊虎威時弄草。泉欺龍睡故離山。不嫌浙瀝驚人耳。聊挹清泠洗病顏。窗外月高湘妃冷。更無閒夢到人間。

張光弼

過臨平

杭縣志稿

卷二十五

十八

船過臨平欲住難。藕花紅白水雲間。只因一霎溟濛雨。不得分明看好山。

汪藻字彥章。饒州德興人。官至兵部侍郎。

過臨平

一別九霄路。風烟長滿衣。已成身老大。無復世輕肥。天濶鳥雙下。山寒人獨歸。曉來何處雨。春水半巖扉。睡起涼生岸。鈎簾坐小窗。麥風能起柂。梅雨不鳴江。往事心長折。歸途影自雙。依然蒲柳地。人老故先降。教陶孫

皋亭山

樵路縈連入翠微。清泉白石可忘機。雲中犬吠劉安
過。樹杪春深望帝歸。白鶴肯留華表語。蒼官合受錦
衣圍。珠襦玉柙今何許。一笑人間萬事非。
林次麟爵里未詳

曲竹

直節稜稜是此君。子孫且以曲為名。首陽山下知難
種。只可斜封向管城。

呂絃爵里未詳

登黃犢嶺

疇昔聞高隱。紅塵隔遠林。閒乘黃犢出。踏破白雲深。

杭縣志稿卷二十五

十九

沈汝諧杭州人。大觀三年進士。

題冰谷泉

甃石纔深數尺餘。一泓清冷若冰壺。泉源定與安平
接。二水輕甘味頗如。

臨平山

山勢分明飲水壘。孤峯西轉鬱嵯峨。不須探問山童
藥。且挹朝來爽氣多。

朱熹

題曇山

頽然見茲山。一一皆天作。信手銘巖牆。所願君勿鑿。

王同祖字與之號花洲金華人淳祐中官建康府通判改添差沿江制置使機宜文字著有學詩初稟

廟山道中

蕭蕭疎雨點孤蓬舟子招呼語順風小麥青青春卻

半一犁江上看田翁

李綱字伯紀邵武人官至宰相謚忠定

初到臨平平見山

孤舟渺渺兩山間終日鈎簾只看山落日半銜霞未散疎林漸溟鳥初還淒涼離恨誰能寄浩蕩詩愁自莫刪賴有青山可人意與君相對且開顏

杭縣志稿卷二十五

二十

楊萬里字廷秀吉水人官至學士謚文節有試齋集

入長安關

船出長安恰五更歸人都喜近臨平陰晴天色知何似蓬上推闥掃雪聲

過臨平

臨平放目渺無涯蕩蓮蘋汀不釘牌雪後輕船四撈漉斷蘆殘荻總成柴人家點綴荻花林水繞階除雪涇襟最是疎籬與修竹脚根半入小河深

張大昌曰以上三首皆載朝天續集其時公以銜命伴使客過臨平己酉冬日之作以下皆次年庚戌春送使歸程作

臨平解舟

竹籬短短門小小，少年獨立春風曉。
柳芽縮爪尚怯寒，金粟班班滿枝了。
船過橋下橋絕高，波清深見一截篙。
市人夾水爭出看，無數漁舟避東岸。

泊舟臨平

拂溪十點五點雨，縠紋織出團花縷。
花頭細大雖不勻，一花銷時一花吐。
北風卷雲如卷簾，忽然收盡玉簾纖。
天光且在水光下，天水鎔作鏡一奩。
好山隔市望不見，祇有清溪照人面。

臨平泊舟

杭縣志稿

卷二十五

二十一

前窗向市下卻簾，後窗臨水開却門。
岸頭楊柳報春至，溪底雲天隨浪翻。
隔溪數間茅草屋，繞屋千竿翠瓊竹。
三老鳴鉦漾柁樓，今宵又向臨平宿。

過臨平蓮蕩四首

蓮蕩層層鏡樣方，春來嫩綠斬新黃。
角頭一一張蘆箔，不遣魚蝦過別塘。

蓮蕩中央劣露沙，上頭更著野人家。
籬邊隨處插垂柳，簾下小船繫釣車。

朝來採藕夕來魚，水種荷花岸種蘆。
寒浪落時分作蕩，新流漲處合成湖。

人家星散水中央，十里芹羹菰飯香。想得薰風端午後，荷花世界柳絲鄉。

范成大字致能，吳人，官至學士，謚文穆，有石湖集。

臨平佛日

帆掠楓橋意欲飛，西山雲物遠依依。回思客路豈非夢，乍聽鄉音真見歸。舊事懶從年少問，故人稍覺坐中稀。不須更說桑榆晚，杭稻鱸魚也自肥。

臨平道中

烟雨桃花夾岸栽，低低渾欲傍船來。石湖有此紅千葉，前日春寒總未開。

杭縣志稿 卷二十五

二十三

高翥字九萬，餘姚人，有菊澗小集。

征帆一片白鷗輕，起揭船篷看曉晴。梅子著花霜壓岸，自披風帽過臨平。

黃文雷字希聲，盱江人，有看雲小集。

舟中四首錄一

臨平山下道潛游，春半蘆芽藕未抽。野水無情天更濶，不知何處是汀洲。

朱南杰古徐人，有學吟集。

出嘉興

舟出嘉禾五里城，僧樓山塔互崢嶸。酒旗密比隨風

舞漁網橫拖漾日晴畫舫貴人帆去穩單衣游女著
來輕山歌已接長河堰到得臨平月又明

許棐字忱父壺山人
有梅屋詩集

晚泊臨平

晚卸風帆泊市橋稅亭民屋總蕭條秦封不到河邊
柳送往迎來枉折腰

利登字履道號碧澗
金川人有散稟

臨平春日有懷

少年賤生理嗜書疆解事長懷希南風趨數慙北鄙
乾坤雙鬢改日月寸心死誓從鹿豕游乃復叨一第

杭縣志稿卷二十五

二十三

兩年三作別雲霧生馬耳臨平二月春花事歸桃李
獨尋處士梅三肅湖邊水一官未得仕畏首復畏尾
旁觀未知羞自愧已無地懸知簪紱會擾擾事萬起
終當綠霧中友彼乘龜子南柯不世勳僅足雄衆蟻
張良臣字武之大梁人
有雪牕小集

過臨平

兒時曾憶此登臨細說窮途有述征四十九年蘧伯
玉月明人靜過臨平

黃復之字幼張

過臨平

孤舟逐浪萍，幾度過臨平。人語水相應，帆移山倒行。
鷺飛秋嶼冷，虹飲晚川明。不是憑詩句，丹青寫不成。

方岳

字巨山，號秋崖，祁門人。官至中秘書，有秋崖小稟。

觀天井

按天井在臨平，細礪洞後。

雷火何年鑿翠成，老龍吟苦雪濤驚。霜晴未用為霖
在，留與春蓑作太平。

遊臨平乾洞水洞

兩洞深如許，神龍此莫君。山空仙去之路，險客來初。
風雨千年暗，雲烟四壁虛。自楷巖石，蘇閑把姓名書。

樓鑰

字大防，鄞人，官至學士。謚宣獻，有攻媿集。

杭縣志稿

卷二十五

二十四

宿佛日寺

平生臨平山，知誦藕花句。輕帆幾往來，山色澹如故。
寧知千萬峰，中間著佳趣。蕭蕭蒼髯翁，為指化城路。
我來春正濃，天寒日將暮。雲深鐘叕鳴，自喜得勝具。
緬懷玉局仙，老筆埽朝霧。玉槩儼相持，珠旒竟何所。
惟餘渥洼水，蒼龍牙角露。人間翻覆手，烈日變烟雨。
俗子眩炎涼，三四錯賦芋。道人笑視之，萬化隨所寓。
深坐十笏地，一息了千慮。箇中誰得知，幽鳥背人去。

趙希櫟

字誼夫，汴人，太祖九世孫。有抱拙小稟。

過臨平

市井蕭條景物非，居人尤號永和隄。春山入地斜陽樹，漠漠殘鴻杜宇啼。

吳龍翰字式賢歙人，有古梅吟藁。

晚舟過臨平

煙鐘喚起夕陽愁，淼淼臨平春事幽。惟有風蒲愛吟客，岸邊撩亂綰行舟。

牟巖字獻之，蜀人，徙居湖州，官大理卿，有陵陽集。

贈東臯講師

飛錫曾聞五臺去，雲間瑞相是耶非。我眉清現更奇絕，萬里白頭我未歸。

杭縣志稿 卷二十五

二十五

東臯何事字無功，講罷應知萬法空。時枕苕溪作歸夢，臨平一路藕花風。

汪元量字大有，號水雲，錢唐人，有湖山類稿、水雲集。

吳江

吳江潮水化蟲沙，兩岸垂楊噪亂鴉。舟子魚羹分宰相，路人麥飯進官家。莫思後事悲前事，且向天涯到海涯。回首尚憐西去路，臨平山下有荷花。

北師駐臯亭山 水雲詩鈔

錢塘江上雨初乾，風入端門陣陣酸。萬馬亂嘶臨警蹕，三宮垂淚濕鈴鸞。童兒空想贖遣，追徐福，厲鬼終

當滅賀蘭苦議和親休練卒一作苦議和嬋娟刺遣
一作嫁呼韓

杭州雜興和林石田

如此只如此無聊酒一尊江山猶昨日笳鼓又新元
黑潦迷行路黃埃入禁門皋亭山頂上百萬漢軍屯
高九萬字菊磧

下塘詩王同曰唐樓

河水新添三尺高河邊蘆葦有龜巢流波夜夜飄漁
泊空點藍燈照樹梢

日出移船日又斜蘆根時復見人家水鄉占得秋多

杭縣志稿卷二十五

二十六

少兩岸新紅是蓼花

以上宋人

薩都刺字天錫雁門人

過臨平

昔日五月臨平路汀洲藕花滿無數此來三月過臨
平雪白楊花捲波去楊花捲盡藕花開今人古人俱到
來欲向山陰尋賀老酒船到處且徘徊

揭傒斯字曼碩富洲人官至

黃鶴山聽雨

元局息深構虛館含餘清瀟灑松下來瑟縮花間鳴
遙見夜柝警細與寒更并懷情感離別撫物媿生成

士思浩方殷春深耿愈明幸及朋好知達此旦暮情
北展非窮轅南山夢歸耕何言託豪素聊以款平生
陳基字敬初臨海人官經
筵檢討有夷白齋稿

臨平

濃露不見人晨曦忽出嶺倉卒過臨平舟眠猶未醒

次韻臨平道中

杖策從軍事戰征簡書人畏漢章程去年此日山前路
十萬妖軍一鼓平

過奉口

溪塢晚含風山營夜依谷棲鳥息復驚歸雲斷還續

杭縣志稿

卷二十五

二十七

畫舸止宵征連艦銜尾宿戍鼓雜鳴笳秋聲一何肅

過唐樓

牽舟復搖櫓日出還亭午風遞五林秋雲挾唐樓雨
盈盈搖蓮漿坎坎迎神鼓對此欲忘歸停橈更容輿

錢惟善

字世復號曲江老人錢塘人
著有江月松風集

風水二洞

空穴風來自吸噓垂巖出水綠李氏西湖志作廣渠渠天門

此際通閭闔海眼何年洩尾閭隱者難招應化鶴飛
仙可挾西湖志更乘魚留題太守懷蘇白好事今無

五馬車

題雙鳳山居圖

雙鳳山人茅作屋，五雲閣史繡為衣。寫將瀟灑滄洲趣，留得風流二老歸。歲月無情遺墨在，江湖多事夙心違。寒藤古木西江道，惟有當年白雁飛。

浙江耀武

定鄉小識以此詩附定山將壇下故收

年年江上習舟師，故事相傳劫火池。春日樓船觀晉將，秋風弓弩學吳兒。素車白馬迎禩集，紫鳳元夷畏虎貔。日暮元戎歸細柳，散花洲畔凱歌遲。

朱梁夜泊

長流夜飲逆流渾，雪色沙寒石鬪喧。晚飯鐘催隣驛

杭縣志稿 卷二十五

二十八

寺宵漁火映並山村，月明欲解江靈語。風橫難招海

賈俗鼎志作魂，忽憶楓橋曾繫纜。一蓬烟雨夢吳門。

方回字萬里，號虛谷，歙縣人，官建德路總管，有桐江續集。

過臨平鎮

樓船載甲曉開鎮，知是何營將校行。百五十年興廢事，韓家軍馬戰臨平。

泊赤岸微曉

今年夏雨水，浙右歲事失。五月客杭城，市民幾不粒。連乎書雲前，稍稍喜晴色。轉手又不然，一雪二十日。豈止閭巷窮，大半缺衣食。我窮尤自笑，亦嘗二千石。今如故將軍，俗眼不見識。下舟北關棗，泥水何狼籍。離披一破傘，院杙兩敗屐。俗言雨夾雪，未易得休息。大雪復大雨，造物詎容詰。柁師所見貨，修廣僅數尺。

而我凡五人卧處殊太窄初過皋亭山垂近臨平驛
有酒二三壺聊以慰僕廝吁嗟歲云暮何苦事行役
馬援壯志已阮籍窮途迫永夜不復眠孤蓬滴復滴
天地豈不大一葉寄茲夕

後過臨平

岸上頻呼喝船中極蕩搖倒桅將過市落緯為逢橋
蟹斲非義卦漁榔即舜韶客愁元歷歷詩思亦飄飄

過臨平二首

臨平山下泛歸船何必荷花五月天記取五更霜口
口桂芳橋買小魚鮮行在名存一夢醒西湖路近亦
長亭陳橋驛與臨平驛興廢何人照汗青

朱橋早行

杭縣志稿

卷二十五

二十九

田間夜打稻茅茨耿明燈客行過籬外吠犬似可憎
放馬齧露草小憩塞塘塍亟念今民間貪吏無以繩
幸此歲稍稔庶足供科徵不然豈不窘况乃軍旅興
往者孰柄國未謂杞遽崩偽心感咎證水旱長頻仍
茲獨有年屢天仁良可憑緩轡忽得句數星陂水證

陳高

字子上平陽人官慶元路
錄事有不繫舟漁集

夜泊臨平山有懷衍道原上人

泊舟臨平下月出湖水白村墟警群吠風林振伏翼
遊子多愁思僕夫倦行役開尊欲自醉對酒不能食
緬懷吳中游詎念飄梗迹衍公與吾偕交誼比金石

別來遙相望。何以慰岑寂。暫勞東去棹。即理西征屐。
吳景奎字文可。蘭溪人。有藥房。樵唱。

過臨平

舟過臨平後。青山一點無。大江吞兩浙。平野入三吳。
逆旅愁聞雁。行庖只膾鱸。風帆如借便。明日到姑蘇。
癸未春。留錢塘。巨可大家。六月可大歿。明年移家。
臨平。余將東歸。因賦此寫懷。

去年六月十五夜。月明漁浦看潮生。今年此夜對明月。
淒涼池館難為情。故人夢斷知何處。生存華屋含風露。
明朝家具載扁舟。又問臨平山下住。憶昔故人

杭縣志稿

卷二十五

三十

邀我來。談笑白日驅風雷。百年未半風轉燭。時移勢改令人哭。
我家金華北山北。堂上慈親年八寸。要知生死見交情。
兩載淹留歸未得。孤兒有託女有歸。余亦興懷歌式微。
悲來縱筆寫情曲。九原杳杳心相知。陳天錫字載之。

臨平書事

四月臨平路。江蓮未著花。春山隨客櫂。綠水護僧家。
對酒邀新月。披襟挹彩霞。晚來看畫處。飛鷺下圓沙。
張觀光字直夫。東陽人。有屏巖小稿。

客舟繫纜柳陰傍。湖影侵蓬夜氣涼。萬頃波光搖月

碎一天風露藕花香

鮮于樞字伯機漁陽人官太常寺典簿

留題廣嚴寺

送客臨平古佛祠。聞公房裏住多時。驪歌不見金闈
彥。濁酒聊參玉版師。龍像彫零餘古塔。蚊虻斷缺有
殘碑。藕花未發風蒲短。空咏參寥七字詩。

留題淨慧壁

野醪醲發氣薰然。睡起時驚雪入船。安得鴟夷三百
乘。空令饒客口流涎。

淨慧寺四絕

杭縣志稿 卷二十五

三十一

寂寂僧房半夢中。蕭蕭修竹四山風。惟應門外蒼髯
叟。解亂儋州秃髯翁。

曉雨暫收日已西。石梁沙路淨無泥。清泉瀲灩千峰
迴。綠柳陰陰一鳥啼。

壞壁蒼蒼上綠苔。籠紗無復護塵埃。只應枉駕游山
客。總為坡仙寶墨來。

學道當知髓與皮。聖門壺奧要探窺。十年來往臨平
道。爭信山中有許奇。

又戲題廣嚴僧房壁

幾年門外榮征驂。不料能來共一龕。壁上未須書歲

月褚河南是護伽藍

張輅字行素仁和人
有聯萼集

陪遠西皋入相扣山家分租

桐扣灣頭暫泊船聞陪杖履過前川
好山深似愚公谷古井猶存孝子泉
半綠半紅霜後葉輕雲輕雨日斜天
田家苦受官租急縣吏推門夜不眠

唐元字長儒號筠軒歙人
官徽州路教授

臨平書懷時汪謙甫同舟入杭秋試

臨平寺前烟水昏鐘聲隱隱搖山門
篙師繫纜古松下坐對月色波中翻
年光盡付旅瑣瑣西風微動菰

杭縣志稿卷二十五

三十二

蒲根居人燈火自喧雜稍憶學語吾家孫
秋田已獲粳米白浮蛆老甕山妻温一錢不直客羶冷出門大類
三家村平生心友喜在眼襟期稍許中宵論誰憐老氣尚耿耿
跛鼈強逐南溟鯤以上元人

高啟字季迪號青丘
長洲人

過奉口戰場

路迴荒山開如出古塞門驚沙四邊起寒日慘欲昏
上有饑鳶聲下有枯蓬根白骨橫馬前貴賤寧復論不知將軍誰
此地昔戰奔我欲問路人前行盡空村登高望廢壘鬼結愁雲屯
當年十萬師覆沒幾能存

應有獨老翁。來此哭子孫。年來未休兵。強弱事併吞。
功名竟垂成。殺人遍乾坤。愧無拯亂術。伫立空傷魂。
王世貞字元美號鳳洲太倉人
有弇州山人四部稿

塘西道中得轉山西報自嘲二首

長河風雪舞孤舟。興盡真成王子猷。塵世偶然那可
料。故鄉明日是并州。

薄祿風塵業未償。除書一紙下錢唐。休言宦興生平
薄。已自將心度太行。

田藝衡字子藝錢唐人
割使汝成子教授應天博學
善屬文世比之成都楊慎

白龍潭

杭縣志稿 卷二十五

三十三

薄暮登山興若何。又從楓樹嶺頭過。斜攀鳥道凌虛
久。俯探龍湫歷險多。瀑布自天飛怪雨。石門如峽鎖
驚波。好奇翻抱臨深悔。魂夢搖搖挂薜蘿。

荀山

溪路僅容舟。沿洄碧樹稠。荀山遺古塔。良渚失平疇。
寺紀高人隱。僧迎漫客遊。斜陽重挂席。身世渺雙鷗。
塘西舟中送張鳳筠歸雲間

偶逢茗上日。蹴鞠蕩紅裙。又泛塘西月。吹簫散紫氛。
歡。驚魚得水。離思鳳歸雲。莫報隣舟發。酣歌拚夜分。
舟次會夏伯高徐文卿諸兄。遂同集塘西俞潤之

宅夜分別去

道路多豺虎。遶回日已西。停舟俱水次。聯席在塘西。
節序驚春雁。離情待曙雞。雲間三泖濶。風雪更淒迷。
徐如翰

老龍潭

昔我游天台。最奇歎雙闕。今來探幽勝。雙闕儼在睫。
茲山鬪雄傑。雲是白龍穴。我思神龍德。天高并海濶。
卷之藏一掬。乃在危崖窟。想其初闕時。萬靈供劈裂。
割露切雲霞。紫碧競紛撝。矯立復徐行。折旋而勁決。
層疊豈砌壘。凹凸似噉齧。迴復疑揖讓。昂俯互矜軋。

杭縣志稿一卷二十五

三十四

磴仄杖履愁。莽深衣袖滑。導迷藉老僧。十步九顛蹶。
入險援而垂。履巉躍且蹙。以儼代足行。磨襯及胸頰。
覓逕地已盡。窮險天轉豁。微風拂群木。忽作雷霆發。
瑟瑟細泉鳴。逗澗倏飛雪。側卧欲俯窺。曳足懼隕越。
遙見石脈綻。隨風噴珠沫。倚巖仰面看。萬峯翠攢匝。
流雲墜鼻端。卻與噓氣接。詭幻鬼所驚。靜奧神所悅。
恍恍鍊魂形。森森豎毛髮。願蓄霖雨資。乘時消赤魃。
勿佐海若狂。嘯波恣飄沒。當今雙闕名。從茲遜靈絕。

平顯

字仲微。號松雨。仁和人。居橫里。

九月二十日懷故里

歷盡風波兩鬢霜。此生多幸亦多傷。功名染指已自足。富貴過人非所望。萬頃水雲橫。里北百年邱隴洛山陽。奮飛不得心空繫。殊覺今秋夜獨長。

聞仲容弟居橫里

舍弟謀生亦有涯。橫溪移屋就魚蝦。藕花官漾十二里。桑陰鄰村百數家。颺字帘風誇魯酒。賣絲船雨避吳娃。白頭兩地遙相憶。夢繞鵲鷓原上沙。

寄示諸弟姪

燈前遊子話家鄉。許我丁山結草堂。一夜老懷清似水。夢魂先有橘花香。

杭縣志稿 卷二十五

三十五

文徵明

贈呂似野

而翁北野擅聲華。令子寸情亦稱家。代蜀還分黃犢草。釣緡時拂白鷗沙。天連平楚孤雲渺。秋滿寒泉落照斜。目斷長空心共遠。此生歸宿豈無涯。

過卓明卿園居

卜築幽棲一畝宮。冷然時欲御天風。月光縹渺開簾處。山色虛無覽鏡中。靜對晴波沙鳥白。亂翻春浪野桃紅。知君應是龍門客。未許扁舟作釣翁。

曹學佺

西溪看梅

春雲忽度西溪水，溪畔梅花從此始。殘僧寂寂時掩扉，微滅禪燈山雨裏。山雨逶迤沈暮鐘，梅花此去幾千重。渡頭客問餘杭酒，衣上雲來天目峯。數年夢想遊天目，誰云路接梅花屋。今宵鷺嶺無他夢，祇向龍池看飛瀑。

徐懋升

遊方山

偶同松桂侶，步入薜蘿村。汲水穿靈石，烹茶憩筆門。桐林花晚落，竹徑鳥晴喧。遠尚情徧洽，空山坐對言。

杭縣志稿

卷二十五

三十六

殷雲霄

字近夫，壽張人。宏治乙丑進士，官南工科給事中。

應登定山

朝泛桐江水，夜坐定山石。延蘿踞虎豹，噓波動潮汐。俯瞰馮夷宮，疑入羽人宅。林靜江有聲，雲昏岸無迹。懷哉坐哀聽，戚矣闕遠覲。風勢依峯峻，月色連江白。飛鴻鳴遠浦，潛蛟舞深澤。飄飄千里舟，脈脈獨游客。乘桴嗟有志，棲巖悲失策。薄宦竟何有，幽期誰與適。覺迷道有獲，含欲情無逆。眷言無白駒，聊以慰今夕。

徐應亨

字伯陽，蘭溪人。萬曆四十三年舉鄉薦，選授增城教諭。以親老乞量移，改慶元。著有吳越

集十笏齋集，庚申篇邊事詩。羅浮集，南海集。樂在軒稿。

定山次沈約韻

昨宿赤亭渚。茲辰發定山。洪波鼓木末。翠巘疊波間。
游魚弄藻景。搖曳不成圓。迴潮流活活。觸石水濺濺。
坻平綠如翦。林花繁欲然。佳期遲歲月。雜珮寄蘅荃。
還望顧松子。淹留竚九仙。

陶宗儀

字九成。黃巖人。有南村集。

送叔明氏甥趙廷竄還黃鶴山

木葉蕭蕭小雨零。西風鼓棹晚潮生。江山形勝歸圖
畫。今古詩篇付品評。乘興漫窮登眺樂。懷人不盡別
離情。蕙帷黃鶴應無恙。此日歸來思益清。

杭縣志稿一卷二十五

三十七

周致堯

初名斐。石門人。

臨平道中寄京師諸友

雲外群山縮翠螺。馬號長是客中過。關河樹色秋光
近。驛路蟬聲晚更多。千古心期空皓首。百年人事等
滄波。自慚薄劣頻趨走。幾度因風想玉珂。

貝瓊

字廷琚。號清江。崇德人。有清江詩集。

臨平道中二首

落日臨平路。連山盡向南。水聲黃鶴寺。雲氣白龍潭。
喪亂今誰在。幽奇昔屢探。湖邊樓閣廢。高樓與天參。
西施採蓮處。所歷已皆非。雁度輕陰去。人衝暝色歸。

甲兵隨地滿烟火隔林微賴有杯中物愁來為爾
蘇平字秉衡海寧人
有雪溪漁唱集

寄凌氏兄弟

鹽官城外多故家鐘鳴鼎食紛如麻何如凌君好兄
弟孝義由來人所誇伯子風流出人表資稟天然富才
藻青山白石卧閑雲夜雨池塘夢芳草仲君平生慕
高潔文采風流更超絕有時洗琖一作盃斟松泉放浪
烟霞勵清節白鳥忘機隨飛影萬頃波光樂吾靜湖
曲人傳賀季真山中共說陶宏景傾蓋相逢一傾倒
老去論心記交好薛家三鳳未為奇荀氏八龍何足

杭縣志稿——卷二十五

三十八

道乘興尋常過我遊蘭舟夜泊清溪頭彈絲飛觴不
知曙洗我萬斛胸中愁為中高歌聲激烈醉擊當筵
唾壺缺人生良會須盡歡起舞花前醉明月月落惟
憂尊酒空告歸何事更匆匆君家住近林塘路如隔
雲山千萬重雲山重重日延竝幾度相思渺烟樹美
人不來勞我心誰道相過不相遇日暮歸來見遺迹
滿地落花春寂寂新詩吟罷重躊躕一點臨平望中
碧

與凌樂耕九日登湖山歸途有作

九日登高興倍賒扁舟江上又還家皋亭夜月孤村

酒。桐。扣。秋。風。兩。岸。花。慷。慨。不。須。悲。白。髮。風。流。猶。記。醉。
烏。紗。重。經。湖。曲。論。交。地。今。對。青。山。到。日。斜。

鼎湖夜月 原注。褚無量讀書處。

湖。上。涓。涓。月。色。浮。無。窮。清。景。滿。滄。洲。光。搖。波。浪。孤。輪。
夜。影。落。山。河。一。鏡。秋。寄。迹。書。堆。人。已。去。放。歌。赤。壁。客。
同。游。姮。娥。自。是。多。情。物。時。遣。餘。輝。照。綵。舟。

釋明方 字石雨。住仁和報國院。

鸚鵡峯

問。君。獨。立。何。所。以。松。聲。溪。聲。解。我。語。常。憶。隴。西。長。不。
歸。朝。朝。暮。暮。悲。風。雨。有。情。端。的。到。無。情。欲。飛。不。飛。思。

杭縣志稿 卷二十五

三十九

伴。侶。伴。侶。因。人。棲。華。梁。那。知。人。競。憐。毛。羽。

半山亭

信。是。來。時。道。忘。來。知。幾。年。澗。分。蠻。暑。外。橋。度。早。秋。邊。
瘦。策。支。還。歇。枯。藤。斷。復。牽。躊。躕。當。進。止。巖。背。一。亭。懸。

吳太冲 字默真。錢唐人。崇禎辛未進士。官至中允。

橫山

皆。是。宋。時。留。下。路。野。翁。描。出。路。邊。亭。黃。鸝。坐。語。無。人。
聽。山。送。溪。流。醉。未。醒。

釋良琦 字元璞。英人。興教寺僧。

過臨平山

臨平山高出雲霧，下有澄江帶楓樹。煙中漁火叩舷來，竹裏樵兒唱歌去。客行輕帆如鷺翰，南風小雨生朝寒。荷花浮雨照征袂，碧嵐白雲當飯盤。昔人經過詩句好，我不能詩空自老。客路青山不及登，紅塵明日錢唐道。

聶大年 字春卿，臨川人。官仁和學官。有東軒集。

過臨平游安穩寺追次東坡先生韻

臨平山下前朝寺，流水桃花尚宛然。禪宇靜依青嶂月，塔磚猶記赤烏年。欲從社里尋陶令，誰識僧中有浪仙。安得盡拋塵世事，竹爐敲火煮山泉。

杭縣志稿 卷二十五

四十

史鑑 字明古，號西村，吳江人。有西村集。

凌平羽邀游臨平湖之讀書堆呈在席諸君子

無量聲光已陸沈，書堆猶得住湖心。山銜落日天將暝，人鑑寒潭水尚深。開塞舊聞關治亂，竊遊今幸與登臨。明年擬趁桃花入，只緣仙源未易尋。

李日華 字君實，嘉興人。萬曆壬辰進士。官至太僕少卿。著有恬致堂集。

秋晚過太善寺

塘南樓閣萬家稠，塘北招提少客遊。剩有殘僧聞補衲，夕陽紅樹一房秋。

吳寬 字原博，長洲人。成化壬辰賜進士第一。累官至禮部尚書。贈太子太保。謚文定。有匏翁家藏集。

送馬庭簡赴福寧州判

胸中貯書十萬篇，清詩妙墨皆堪傳。平生知己有我
在，當世幾人如子賢。向來六館同周旋，石城風月仍
年年。青袍徒步銓選，白日旅舍窮殘編。年鑠五十得
州佐，差勝抱關并乘田。眉間乃有毛義喜，便道得過
庭闈前。上堂捧酒拜家慶，紆朱曳玉何須憐。秋盡黃
花開未全，小春想見江南天。臨平山中樂三月，雪晴
好泛閩江船。

釋戒襄 字子成，號平野，海鹽人。天寧寺僧，有平野集。

長安壩上河道中

杭縣志稿

卷二十五

四十一

三月臨平山下宿，沙棠一舟帆數幅。清晨鼓柁看山
行，兩岸垂楊春水綠。岸上人家掛酒旗，幾樹桃花映
修竹。路人問我將何之，我欲尋師向天目。

丁養浩 字西軒，仁和人。成化丁未進士。官雲南布政使，有效唐集。

景星觀

躡屐登邱山，靈雨隨風來。陰雲翳白日，長途靜氛埃。
琳宮敞華宴，良朋愜素懷。駕言息塵鞅，老大且銜杯。

慧日寺追憶舊遊

博溪溪上一追遊，慧日名山萬古秋。三徑草堂通別
墅，一間茅屋瞰清流。月明村塢僧歸晚，雲掩松關鶴

夢幽尊酒醉來成一笑高風絕勝虎溪頭以上明人

沈謙字去矜仁和人
有東江集欽

石鼓晚步

野岸愁行客危亭噪落鴉川虹愁抱日山鬼夜迷花

塔古琅璫語碑殘屨顛斜桐魚焉可識博物愧張華

王士禎字貽上號阮亭又號漁陽山人
官至刑部尚書有帶經堂集
山東新城人

傳經堂歌送卓永瞻歸浙西因寄大傳

中原喪亂連天崇鑿蹄驕馬嘶江東昭陵玉匣出隧

道鴻都祕策飛秋蓬小作勝囊大惟蓋石經三體皆

磨礮卓氏世德不可紀侍郎謀國真公忠業傾卵破

杭縣志稿卷二十五 四十二

悔不早曲突徙薪誰謂功革除事往三百載至今化

碧干長虹間孫抱經隱茗雪千秣人識梁邱宗清廟

明堂列球貝深山大澤藏蛇龍我慕蘊淵生苦晚晚

及孫子相過從雄才能慮五石瓠大力欲挽千鈞弓

桓榮稽古累數世郎君人地將無同昭氏鼓琴有妙

理誰云竟以文綸終至尊通經過漢代會開東觀臨

三雍白虎諸儒考同異如懸火簾鏗洪鐘郎君攝衣

作都講雅歌殿上何雍容野夫窮經不得力坐使尹

季傷瘖聾他年登堂問章句五湖帆影隨樵風

王士祿字西樵

塘西道中同孫無言作二首

容與塘西路，微風信棹過。菜花明照岸，嵐影遠當波。
晚渚還如鏡，青雲的似羅。與君聊屈指，何物抵漁蓑。
泛宅他年意，推篷此日閒。空明浮堰水，濃翠入窗山。
兼可生遐想，寧徒淨旅顏。錢唐還咫尺，幽興六朝間。
王丹麓

題卓氏傳經堂

經術傳家遠，河濱構宅新。華廈交燕雀，芳俎雜蘋蘩。
黃卷思先澤，青雲起後人。登堂久未遂，跋望倍勞神。
厲鶚字太鴻，號樊榭，錢塘人。康熙庚子舉于鄉。乾隆丙辰薦舉博學鴻詞，著樊榭山房集。

杭縣志稿 卷二十五

四十三

擬游橫山不果回舟有作

市盡松聲怒，野曠山勢遠。橫山不可到，深秀紛掛眼。
永懷江居士，高眠絕異患。靜笑泉出溪，冷愛雲在巘。
穿翠若飛梭，嘉名錫策蹇。伊予有同心，未愜結廬願。
誰云惜早芳，惆悵回橈晚。
明江元祚，邦玉，築橫山草堂，隱焉，有驢，名曰梭翠。

桐塢

桐塢我舊過，陰森翳叢蔭。隔林見梅花，謂是山月曉。
花深不辨逕，地寂惟聞鳥。但看香雪繁，似覺青翠少。
此中饒僧廬，粥魚出烟杪。後游鬢絲增，初春澗聲杳。
無事為佛事，益以詩自擾。

宿龍門山巢雲上人房

俗名小和山在錢塘之西

山樓出樹杪，夜宿萬山中。虎嘯不驚定，鐘聲疑在空。
背窗棲鳥影，滅燭聽松風。明日尋階水，應添十二筒。
按樊榭以小和山為龍門山譌

由牛滑嶺至龍院

山腰多農家，茅茨映山色。暝烟歸樵人，溪光帶禪客。
樹遺鶴毳鮮，泉瀉龍鬚白。愛此欲移居，惆悵振輕原缺

月夜塘栖舟中同沙謝作

故人襟被共出城，疎林明月夜棲行。悠悠徒抱文字癖，落落但話江湖情。四十五日夜方永，一百八聲鐘

杭縣志稿

卷二十五

四十四

最清朝陽初上睡，翻著船頭已見含山迎。

晚由全家堰步至崇光寺

一峯抱花迴，不知凡幾里。遲日落未落，散策從此始。
石梁跨澗空，苔枝皆倒倚。入寺罷晚餐，僧堂寂如水。
詰曲取微徑，返景照花裏。瀾漫徧崑壑，春透無剩蕊。
乍疑吐佛光，白毫映霞紫。復訝妙香生，醞醇得禪髓。
盤桓憇松根，結茅擬來此。何必問通波，遠尋光復寺。

遊中塔院遂歷上塔院

橫山分小支，葦確勢如窟。長林交青蒼，老藤結蛇蚓。
中塔峙其半，新構極峭緊。稽首問導師，燈傳本無盡。

真歇了禪師輕陰冪屋角欲去且復忍須臾裂層霄
幽禽語相引槃跚到上塔修竹密如鬚懸崖曠以平
古幹壓嶷嶙冰花閒添雪微嶂見遠畛相對澹無言
笑為東風鞭傳問塔中仙在世只悲憫至今山中馴
相護階前筍上塔歸藏真禪師有伏虎事

下塔院塔有月一名月明禪師庵

皋亭西麓深名僧樂幽阻誰知下塔藏亦復近在渚
庵前有門前萬梅龍玉麟待飛舞或娟然在盤或凝
然若佇俛或若將攫翹或若將涵吐逆風香供養
藥上侶當年日中機委銳捷無拒何處閱真空晚鐘

杭縣志稿卷二十五

清一杵

撒沙夫人廟

相傳神為倪氏女南渡初避寇奔匿蒙犯風雨瘡痍而卒里人葬之山中後金人南侵神著靈異撒沙退敵事間封為護國夫人建廟祀焉

臺殿高切雲北山山半出下視花海鋪上蔭松樟密
薄暮一躋攀迴風送蕭瑟翠帷映金燈香霧蒙玉質
在昔建炎初兵氣纏駐蹕神生正笄年走避致愁疾
守貞隕空山退敵合仙術沙場灌壇雨氛蔽東皇日
傳乏更生文記無會升筆惟有村女兒酌醴歲勿失

同人買舟出東新闕暮抵橫塘宿胡氏古香書
屋明日曉起由半山橋入三塔觀梅得詩四首

昨夜生春水，乘流放畫船。照人山剩雪，出郭浦多烟。
興猛探花始，吟豪俞酒先。誰家籬落進，竹外一燈偏。
豔曲唱橫塘，金尊罷燭房。美人此遙夜，清夢薄匡牀。
隔戶禽如語，窺簾月有香。想思雲水遠，心已墮蒼茫。
欲訪梅多處，行逢水盡時。橋迴通曲隴，花好見橫枝。
深雪聞遙磬，春風護短籬。為留香影在，斜日故遲遲。
禪師埋骨地，塔繞萬花寒。明月前身是，青山四面看。
齋廚饑雀下，定樹瘦蛟蟠。試問傳燈意，山僧欲話難。
吳錫麟字洛書，號箬村人。

桐塢

杭縣志稿 卷二十五

四十六

長松入雲裏，見雲不見松。直出松上雲，雲又迷數峯。
逆鼻旃檀香，過耳闍黎鐘。禪衲據沃衍，花氣諸天濃。
爾故樂爾居，我行舍我筇。鱗鱗晚風起，身其驂玉龍。
吳錫麒穀人

唐棲雨中

不因風雨減秋光，特送詩情到客航。雲氣界開山遠，
近人家畫入樹丹黃。隔橋聽唱菱歌熟，比戶催輸橘
稅忙。棲乘一編遺墨在，他時切莫寓公忘。
亡友何春渚曾寓此

著有塘
棲小志

塘西道中值雪

裂葉風寒雪片麤。家山眼底轉模糊。楓人十尺負崖立。如畫紅衣闕塞圖。一杵鐘聲到枕清。丁山湖口峭寒生。正思風味吳天美。落落爬沙出斷行。

繇全家堰步至崇光寺

山曉意較寒。竹風助蕭蕭。青帘隱茅屋。沽酒人過橋。野氣散氤氳。壠畔麥已苗。流泉出花裏。漠漠香暗漂。循溪路屢轉。寓日春漸饒。塵劫感初構。寺為宋顯仁物情榮故條。窗前何年樹。白雲吹不消。茗椀坐其下。其上橫山椒。

悟空禪院小憩遂抵伏虎院

杭縣志稿 卷二十五

四十七

策屩快斯游。登臨不辭憊。天冷汗已揮。松風吹一快。翠羽無喧聲。悄然入香界。群花矜玉照。光滿路為隘。愈上愈出奇。晴空萬梢畫。雲邁禮塔還。鳴泉答幽話。山君馴不擾。梅祖老當拜。皋亭種梅。自顯義庵始。居人謂之梅祖。就佛問燈傳。吟詩破禪械。斜陽轉花陰。色比衲衣壞。

月明庵

曙色起峯頂。花枝亦生寒。遙空湛虛白。疑是山月殘。踏影入寺門。畫格橫石闌。一僧輟誦經。邀我坐蒲團。風泉肅清聽。雲水資靜觀。拈花開笑口。彌勒能同原心。遠翫物間。候謝豔景難。重游約煮筍。空林響梅丸。缺

汪嘉植字白榆桐鄉諸生道光元年舉孝廉方正有寒松居士詩鈔

上巳遊花港紀事

晴霞疑是赤城天，黃鶴峯前共放船。社鼓鼕鼕人影亂，桃花紅對寺門前。半山寺

依然遺廟枕寒蕪，笑問蟲沙事有無。古渡神鴉來又去，斜陽蕭鼓擁蠻巫。撒沙夫人廟

孤亭似筮出林隈，四望真同錦作堆。蝴蝶成團人笑語，畫船齊過北山來。雲錦亭

移舟花港復茗磯，綠水桃花燕子飛。怪底游蓬蠹隨畫槳，船頭斜插一枝歸。甘墩

杭縣志稿 卷二十五

沈心房仲仁和

皋亭山下看李花孤石山房詩集

正際濃華候，千林獨皎然。日斜嵐掩翠，春遠玉浮烟。碧實慙韓老，清標仰謫仙。東風相償識，倚杖雪光前。

半山道中

霜侵紅樹淨無烟，一岸清山一岸田。最好秋光明似鏡，日斜雙槳入前川。

陳杞韞川仁和

甘墩村觀桃冷香齋詩鈔

老年寧肯負春朝，出郭觀桃路未遙。茆店青帘招客

飲畫船新粉妒花嬌。餘霞遠襯山腰寺。細柳輕籠渡口橋。折得一條紅且嫩。斜陽歸去杖頭挑。

徐廷錫

貢南仁和

同人泛舟皋亭 秋雪山房遺稿

皋亭盛桃李。萬樹開東風。出郭可十里。山橋卧長虹。舍舟復登岸。路人花林中。見花不見路。花氣何迷濛。間尋古蘭若。高閣凌蒼穹。憑闌一縱眺。異境豁心胸。連村白雲護。接畛晴霞烘。花梢偶缺處。露出三兩峯。峯峯向人笑。樂此春意濃。斜陽留小住。烟外聞疎鐘。撫景有餘戀。欲去心忡忡。歸途望花港。恍如仙源通。

杭縣志稿

卷二十五

四十九

符曾 幼魯

皋亭山後江家邨看梅 春鳧小稿（六首錄二）

萬樹梅花破曉看。風前玉立怯清寒。吟詩厭作尋常語。一字鉛華不肯安。

孤蓬短棹載寒香。露縠冰綃倚晚妝。雪色一川渾不辨。但於缺處補斜陽。

王乃斌

香雪仁和

撒沙夫人廟

在皋亭上俗稱半山娘娘廟

銀瓶井。金山鼓。宋室偏安多奇女。夫人際亂甫及筭。避寇匿山口。口口苦死風雨。死瘡痍。生不殺賊死猶怒。

撒沙退敵保南土，事關護國封夫人。廟號峩峩足千古，屏列皋亭山峯接。桐口塢後種桃花，一片紅霞不知數。我來正值落花時，空中疑是丹砂舞。獵獵閃靈旗，瀟瀟結香霧。蚕祈把蚕姑，酒酌施酒姥。鼕鼕擊鼓震廊廡，回憶西風白雁驚。翠羽明璫慘不語，周天度讓谷錢塘。

失題 十誦齋集

李王塘抵皋亭北，巫鼓神簫處處聞。長日水嬉靈佑廟，繭花如雪簇如雲。皋亭有靈佑廟，午日競渡最盛，鄉人蚕務畢，則簇繭為花以報賽焉。

杭縣志稿

卷二十五

五十

黃鶴洞門幽草深，傍崑佛屋盡愔愔。也堪題作丁冬院，山水清音自舌今。黃鶴山在皋亭北，元王蒙嘗居山下，有洞水聲滴瀝，宛如水樂。

丁冬院在蜀中，見放翁詩。

沈鵬 振飛錢唐

吳聚華 士龍 邀同楊文子超 成徐文寄巖 山松

謝昆山 文迪 李維方 大正甘墩村看桃花 錄八首

桐溪詩草

桃花香接菜花叢，李豔梨嬌雪色濃。不見人烟聞犬吠，水村疑是彩雲封。

鬪酒吟花野趣饒，漫辜風日永今朝。眾香國裏須停

泊喚艇移過岳帥橋。村右石橋一座鄉人相傳宋岳忠武演兵是地故建因以得名

今訛為壓煞橋

翠鞞陂塘接陡壘霞烘林落繞甘墩春光萬斛難拋棄半入吟牋半酒樽。公陡壘姚陡壘俱在村右稍南分瀉錢江之水

神道路邊香雪盡白石阪後露桃開天留兩地真詩境引得詩人次第來。神道路在皋亭北瘞晉刺史陳公頊左臂於此因名地多挑梅

按白日阪在甘墩南

張應昌仲甫錢塘

二月十四日章小萊招同綱士泛舟皋亭看花

遂遊龍居佛日晚歸宿韋氏溪莊壘前蛇字韻

杭縣志稿卷二十五

五十一

二首 彝壽軒詩鈔

晚晴水木湛清華際曉開門一望賒浩渺忽迷雲外樹空濛更愛霧中花尋香欲起雌雄蝶交繹如蟠首尾蛇遙指古樟峯下路心飛先到梵王家

幽棲兩刹會龍華路繞皋亭不厭賒妙香半千尊者

像高藤一丈瑞香花潭亭密篠招飛鶴佛社清鐘驚

睡蛇佛日寺外潭亭環繞雙洞緩尋丁厲跡且隨明

月到山家龍洞仙姑洞未及游

按張應昌又有繇全家堰步入崇光寺是梅花最

多處五言一首海寧梁十齡增梳香歸棹圖題句

序稱荔園先生半山舟次有一路寒香撲襟袖梅
花開過半山橋句竊擬道潛五月過臨平山下詩
神韻彷彿倩霽軒陳君寫圖又詩注半山梅花崇
光寺最盛

屠倬

孟昭
塘

泛舟入全家堰循皋亭山觀梅憇崇光顯孝寺
口占十絕 录四首是程堂二集

一段春除一段晴花光半暗半分明繁枝怒發渾無
次翻揀橫斜少處行

有松有竹有人家總被花光一片遮香雪濛濛渾一

杭縣志稿 卷二十五

五十二

白玲瓏畫出短籬笆

幾家茆屋自成村兩派清溪曲抱門坐到月明休便
去城中無此好黃昏

鄉人種梅如種田手扶花影抱花眠樹樹交枝成女
守層層濕翠積苔錢

闕瑛

秋芙
錢塘

高陽臺 皋亭攬勝圖
夢影詞

鷗雨分涼魚雲織冥一蓬山色依然瘦影斜陽碧天
搖夢成煙仙山依舊無消息奈東風換了啼鶻剩尊
前點點殘紅飛近箏絃 憑闌休說當時事祇叢祠

簫鼓流水鴉邊。一片淒陰。可堪送我華年。天涯何處
無芳草。到春深。便覺堪憐。好流連。未是黃昏。休促迴
船。

吳振棫 錢宜唐

喝火令 半山舟夜 無腔村笛

露草前灣色。風蘆兩岸聲。夢兒來去隔重城。只有兩
邊月色。照得最分明。悶看香初燼。慵將酒獨傾。倚
舷回首不勝情。記得春游。記得晝衣輕。記得桃花多
處。船尾放風箏。
何承燕 以嘉

杭縣志稿 卷二十五 五十三

醜奴兒令 同人泛舟半山桃花港看桃花

半山怪底桃花盛。山上桃花。船上桃花。花看花來花
助花。桃花嬌映桃花面。臨水桃花。流水桃花。花送
花歸花憶花。

吳藻 蘋香

高陽臺 皋亭山看桃花 香南雪北詞

閣雨雲疏。弄晴風小。薄寒惻惻如秋。有約湔裙。紅蓮
先繡。蓮鈎酒鎗茶具。安排慣。倩秋來。三板輕舟。莫因
循。歲歲芳時。日日清游。水鄉曲折疑無路。又花隨
舵尾。轉箇灣頭。謝謝緋桃。二分春色全休。短篷移入

香深處載新詩不載閒愁好溪山除却西湖一半句
留

臺城路

積雨初收嫩晴未穩皋亭桃花盛開游舫群集午
後偕蘅唐蒞香買舟由小港抵甘墩村一路橋低
岸曲水復牽迴穠李千株花繁似雪此山幽境別
有天地非人間矣香南雪北詞

曉鶯啼破紗窗夢東風又催花舫水傍花流花園水
住春水桃花新漲蘭橈画槳有人影如雲坐來天上
認得仙源一襟芳思幻霞想清游放舟最小葦綃

杭縣志稿

卷二十五

五十四

千萬樹都在幽港飲醪開樽吹香試笛不盡淺斟低
唱蘆芽漸漲看鴨闌邊白鷗三兩落日柴門老漁間
曬網

臺城路

四月杪秋舫招游皋亭重賦全前

筆床荃竈安排慣重游翠深深處寺小埋雲橋低壓
水惟有幽人來去蚕房笑語看抽雪成絲繭香新煮
一兩三家半藏農具半漁具清和天氣正好夕陽
紅淡薄圓蓋千樹曲渚撈蝦迴塘放鴨萬綠濛圍住
光陰未暑怕梅子黃時又愁風雨載酒明年碧桃花

定許

一萼紅

余今歲看梅遊自孤山巢居閣北山黃龍洞外兩
至皋亭山崇光寺寺為南宋韋太后功德院有千
佛鐘鉅製精麗額曰梅花道場憶辛亥春暖姝招
同閨秀吳蘋香暨沈湘珮箋霞母女往游花下聯
句湘佩留題楹帖云花外數聲啼翠羽竹間一角
露青山句則余之急就章也湘佩即于是春從夫
官京師自警傳風鶴消息罕通余乞張君仲甫製
曲紀之復借白石韻譜此以寄想小紅歸夢必縈

杭縣志稿

卷二十五

五十五

繞於故山香雪間矣翠浮閣詞（詞原缺）

魏謙升滋伯

野梅陰記驚鴻淺步枝韃礙瑤簪醉墨題楹支筇覓
句詞翰猶未消沉老僧話前遊勝事似省識飛過翠
毛禽四載星霜萬株冰玉儂又登臨今歲縞衣緣
重向空山索笑鶴意雲心佛鎮金鐘仙回鳳輦南宋
陳迹還尋自花選香車去杳盼天下魚素抵兼金幸
得青歌釣徒一往情深

減蘭

余浣花招同李西齋祝鞠門皋亭看花時
西齋將適粵張春帆期而不至

桃濃李潔多少明霞團霽雪花上山光花下羅羅水

滿塘前游好記紅杏村中芳草地院體生綃金粉
斜陽畫六朝

不風不雨選勝尋芳鷗是侶如此烟波少箇扁舟張
志和 丁寧春在明日重來花事改酒滿青衫好餞
詞人度嶺南

王暉 丹麓
仁和

羅敷媚 皋亭看桃 霞舉堂集

半山山半春光滿花徑重重烟霧濛濛十里村莊一
望紅 貪看日暮忘歸去欲語天公漫遣東風倩影
堪憐夕照中

杭縣志稿 卷二十五

五十六

孫士毅 補山
仁和

皋亭道中即目 百一山房詩集

渡口漁榔谷口鐘喚回蓬底夢惺忪桃花新漲一支
水染得綠磯如許濃

赤馬船中鼓罷撾拋梭篙子看紛拏蜻蜒點水忽飛
去繞上荻芽還藏芽

王文浩 見大
仁和

薄暮入皋亭山梅花盛開有作 韻山堂詩集
補遺

皋亭名初見唐書至宋寧宗表皋亭山三字為崇
光寺額名始著舊傳有亭在山之巔故曰皋亭亦

作高亭一曰東皋二首錄一

大地春回是也非。冰花玉樹白雲圍。皋亭山北南朝路。冷澹清癯半夕非。

友梅軒同前

王昶元人也。遭時亂離。隱於皋亭山。環居皆梅。劉文成為作友梅軒記。

友梅仙子養天間。逸老孤清一枕山。直到青田留片語。至今潔白滿人間。

木石居

里人范文奎建。范有孝行。亦稱范孝子庵。

杭縣志稿 卷二十五

五十七

老醜梅兄傷莫景。鬢髮石髮不知整。僧不迎送梅送迎。步步香光亂足影。

飲黃村酒店

亦名橫山村。村有橋。過橋為朝山路。橋下即金家堰。所出歸於下塘者。

尋芳隨地到芳尊。香壓春缸花滿村。停我詩鞍何處是。清溪一曲酒家門。

赤岸是宋皇華館驛舊址。同前

岸西至大嶺可十里。而南五里至義橋曰槎渡村。詩人陳槎村所居也。槎村為吾家茨檐先生高弟。

五七言稱入室。今老矣。歲甲辰。槎村自嶺外歸。余過訪焉。槎村為余談北郭遺事。而赤岸則南宋皇華館驛舊址。北使至。將迎於此。槎村自云問之。茨檐當有所據也。

槎村談經如彈指。赤岸行經感昔時。今日若教逢驛使。一枝為報嶺頭知。槎村重游嶺外

姚光普字平泉。初名琨。又名慶寅。道光乙酉年舉人。官上虞教諭。

嘉慶戊午。余初遊庠。今己咸豐戊午。重游泮水。慨賦四絕。

人羨吾家得兩丁。當年同博一衿青。風流學使憐才

杭縣志稿 卷二十五

五十八

甚一寫蟲書一算經。

伯兄東石。善篆書。余習勾股算術。同受知於學使阮芸臺相國。

不問天衢振羽翰。空將虛譽擅文壇。馳驅粟落成何事。垂老依然作校官。

好將後果證前因。八十年來自在身。重到泮宮成一笑。當時同輩有何人。

鼓篋初游尚少時。泮宮不異鳳皇池。思量六十年前事。贏得瓶山數卷書。

衛銳鋒遺詩 姚君虞琴抄來

出門西笑向長安，雨雨風風又歲寒。愧把猪肝累安邑，反因雞犬羨淮南。劉幾未許逢歐九，張八何曾識魏三。尺短寸長渾莫定，由來萬事愜心難。

團團整箇磨驢如，客子光陰又歲除。蘇軾文章工笑罵，廉頗門館有盈虛。此心願與梅同冷，有恨還期柳共舒。草草餘生休再問，且扶殘醉到華胥。

幾時嫁杏與東風，白酒黃雞羨老農。未必竟同不舞鶴，何曾能解好真龍。遺民羞說陶元亮，殘客愁逢何敬容。問與紅裙商出處，霎時幽恨上眉峯。商量出處到紅裙龔

定庵詩也

杭縣志稿

卷二十五

六十

壬戌九月入浙江病院治疾賦此排悶。民國十一年

隕然痼疾二三月，性命幾同毛羽輕。自笑妍皮裹癡骨，有人替死祝更生。病劇時親友謂如某某無用可以替死此趣語也 百年

苦為兒孫計，一病方知骨肉情。忍見山妻含涕坐，料量藥劑到天明。

身多疾病韋蘇州，欲賦歸田苦未休。智不如葵能衛足，文誰傳檄可醫頭。嘔心直已同長爪，嚇瘧還須用

髑髏。幸遇吳剛與盛彥，藥爐丹竈費搜求。初患頭痛甚劇繼患

呃症嗣後毒血下注患落足瘋幾瀕於危入病院盛佩葱先生主治內症吳仲相先生主治外症閱三月

餘而愈殊可感也

認否今吾是故吾。不禁攬鏡笑模糊。重衾裹體同蠶
縛。瘦骨粘皮比鶴癯。劉顛鐵肝知冷否。孟郊陳血解
春無。終朝飽食渾無事。敢薄滕屠與薛酤。

童時游釣認依稀。閱盡興亡草不肥。凍葉離枝墮無

力。寒雲漏日熱尤微。山邱華屋羊曇淚。城是人非丁

令歸。昔日程門曾立雪。不堪門巷已全非。浙江病院

署故址。吾師胡鳳樓曾住署內。

纏綿病榻莫能興。無垠思潮雜愛憎。垂暮情懷憐妾

媵。感恩夢寐到親朋。大裘萬丈白居易。廣廈千間杜

少陵。別有胸襟開未得。一聲長嘯學孫登。

杭縣志稿

卷二十五

湖上鐘聲枕上聽。腰支瘦盡沈吳興。已無竹馬窺東

閣。可有金莖賜茂陵。吠主原雞防桀犬。飽颺畢竟是

飢鷹。此生空負知人鑑。直道斯民久不憑。

鎮日無聊有所思。不堪唐突到西施。說來頑石頭應

點。歷盡津梁佛亦疲。夢鹿空勞蕉屢覆。亡羊猶恐路

多歧。如何陶令閑情賦。文選樓中有貶辭。

奚必棲棲怨道窮。何須咄咄慣書空。安排申泄思君

側。摸索何劉識暗中。豈有小官卑柳下。斷無執熟到

梁鴻。南枝向暖北枝冷。一樣梅花已不同。

四海蒼茫一劍橫。披肝瀝膽向誰傾。束將肚上三條

篋洗盡胸中數萬兵。文有波濤境便老。湖無風浪水
常清。應龍入井泥鱗飽。若望天河洗甲兵。兵韻復
一言我欲定千秋。今古人材貉一邱。但見營巢忙燕
雀。幾經撼樹笑蚍蜉。麒麟作楨悲楊炯。蛺蝶驚風薄
魏收。曼衍魚龍陳百戲。殺雞何事駭猿猴。

夜宿蓮華庵

一茅笑向屠黎借。坐擁孤衾冷若冰。瑟瑟窗櫺蠅穴
紙沈沈。簾幙鼠窺燈。愧無好句堪呈佛。愛住名山悔
不僧。我亦津梁疲已久。愁聽風雨撼觚稜。

病中聞米貴

民國二十八年

杭縣志稿

卷二十五

六十二

自知病後太疏慵。不閱何堪問我躬。爭奈飯籬空廡
下。又聞米價貴江東。難為東郭墻間乞。安得西山巖
裏終。臣朔苦飢侏儒飽。視今猶昔一般同。

俞樾 德清

臨平鄉人得一龜一身而兩首。周子雲孝廉紀之
詩錄以示余。余亦同作。

吾聞龜之為物非一族。詭狀殊形不勝錄。其尾可一
而可十。其目或四而或六。甚或附之以兩翼。又或倍
之為八足。惟首只一從無二。天之生是固使獨。不圖
臨平鄉。乃有雙頭龜。一腔而二首。大小無參差。伸則

俱伸縮俱縮一首倡之一首隨投之以食則皆食并有四目眈眈俱來窺異哉兩頭之蛇草際行躩踞九頭之鳥空際鳴啞吶見之聞之驚且疑此龜兩頭無乃亦一奇周子作詩紀其事我為周子考傳記宋大觀中曾得兩頭龜都水使者趙霆獻之以為瑞云得之於黃河中一時紛紜起廷議有詔棄之金明池綠波清水能遊戲可知此物世固有雖不為瑞亦非異譬如荷池開並頭又如麥隴成雙穗在人且有比肩民區區一龜渺乎細君不見翠山鷓鳥首有二彭水儵魚首有四又不見三身之國一首而三身三首之

杭縣志稿

卷二十五

六十三

國三頭而一體天地之間人固有異種物亦有異類漢儒災異之說不足陳宋儒格致之學亦徒費獨愧我非博物張茂先乃有元緒來吾前不勞東坡先生授我龜冠法且為南華真經補入駢拇篇

王老人詩

老人仁和臨平人莫知其名但相呼以王大而己無家室行乞市中迹類顛狂兩耳皆聾而聲如洪鐘亦莫知其年余童時見之如六十許人至今不少異然吾平泉舅氏行年八十自言少時所見已如此則其年殆未可意計也豈其得道不死而隱

於乞者耶。因為此詩贈之。

耳聾髮禿尚童顏。市上狂歌獨往還。疑是洛中李元爽。憐其未遇白香山。

臨平三十詠

孫穎枝

幼舍仁和

安平泉

在鎮西二里安隱寺前。宋蘇軾有詩。其東為檀泉。又東為孟姜泉。

禮佛遵幽徑。尋僧探古源。水花交夜靜。山雨入秋喧。

浩影澄雙樹。流光布獨園。一泓堪洗耳。終日聽潺湲。

郎駒野人

黃犢嶺

在鎮西二里安隱寺後。唐邱丹隱此。嘗乘黃犢出入。因名。宋呂絃有詩。嶺上為

杭縣志稿

卷二十五

六十四

般若庵

昔人乘犢去。遺嶺白雲封。蘿黑千盤雨。風喧萬壑松。

古祠鳴伏翼。陰洞蟄蟠龍。倚杖燒丹地。神仙可再逢。

羅吉臣

敬叔里人

劍池

在鎮西臨平山上。舊傳吳越王錢鏐磨劍於此。

古池餘劍彩。故老說錢王。不見風雷吼。空悲草樹芳。

清泉秋鬢沸。紫氣夜蒼茫。霸業今何在。登臨幾斷腸。

金漢趾

振公里人

甘露泉

在鎮西十里佛日寺前。宋楊無為有詩。

佛日山中寺。門橫一片泉。揭雲光映紫。和玉飲逾鮮。

徑曲蟻衣古松深石骨堅那知天上澤幻出佐談禪

程霖雨三錢唐

讀書堆在鎮東南五里臨平湖中唐舒國公褚無量讀書處也咸亨二年湖中有龍門傾城往觀無量時年十三讀書晏然不動長精三禮史記堆上舊有臺今廢其下為白龍潭即宋室女產龍處

褚氏千年後蕭條烟雨中春風餘首霜秋月落梧桐

龍吼吞孤渚螢飛照碧空揣摩當日事異代不相同

姚永昌鹽文里人

永和塘在鎮中運河上以阻臨平白龍潭之險宋紹定三年築許應和有記

憑藉蠲湖患兼之塞白龍如弦互南瀆相枕越邱峰

杭縣志稿 卷二十五 六十五

蹠躩方行旅推遷幾柏松孰矜徭役苦諳及築時供

沈誠羽階里人

寶幢在鎮西二里安隱寺前唐大中末建宋天禧二年移葬佛舍利於龍柱海山之下紹興三十年重立隄上今有茶亭其東為許家莊多楓林

李唐開勝蹟迴立自蒼蒼鳥跡千秋秘龍紋五色光

風雨迷紫翠日月露微茫燈繼昏衢耀靈標照十方

范暹若千人

塢基在鎮西臨平山巔宋蔡京父準葬此山為駝形負重能行故作塔山頂元時燬其西為信國公湯和所鑿處

金輪經廢久遺址益淒淒石古蒼雲沒臺高宿莽齊

江山鬱自抱，風雨過嘗低。安得標重建，攀蘿聽鳥啼。
沈謙去矜里人

渥洼泉 在鎮西十里佛石山淨慧寺庫堂後出石罅中宋蘇軾有詩

卓錫飛泉拆，幽幽百尺深。赤厓春湧樹，青葛晝藏陰。
乳滑嘗沾潤，源高詎易尋。神靈意莫測，雲霧一龍吟。

沈聖治治臣里人

大安寺 在鎮北五里梁貞明元年吳越王錢鏐建

寶所開吳越，蕭森古木封。到門通曲徑，當殿削諸峯。
生計分蜂蜜，禪心見虎踪。殘碑雖在眼，霸業可重逢。

徐仁振數昭里人

杭縣志稿 卷二十五 六十六

景星觀 在鎮北一里宋紹興十年建舊為東嶽行祠淳熙二年改今額觀前有丹井丹竈諸蹟

漠漠古雲關，千秋鎖碧山。吹簫人不見，燒藥竈常閒。

苔澗多龍卧，松巢有鶴還。黃昏拱星斗，虛照石壇間。

沈相如叔度海寧

淨慧寺 在鎮西十里黃鶴山北後晉天福七年吳越王錢弘佐建名佛日院宋大中祥符元年改今額其東為龍樹庵

寶地開山古，群峯繞徑齊。錫飛黃鶴近，花散白雲迷。

鯨吼驚秋閣，龍歸過晚溪。重厓翳石鼓，欲問草萋萋。

鮑懋芳芝山里人

石笕在鎮中西茅橋南甃石於運河之下以洩
慶元元年景定三年元至元三十年大德元年
俱重建

甃石青苔古喧喧萬井前腴饒喜今日疏鑿定何年
曲水穿河黑崇隄障海偏沿流楓盡赤落照淡人烟

趙憲斌尹施里人

像光湖在鎮西五里唐神龍元年湖有光掘地得
彌勒石像乃建寺以像光為額且名其湖

臨湖開寶地光怪憶神龍氣白吞吳雨波深倒越峯

漁人閒鼓楫鹿女坐鳴鐘秋漲年年濶丹青古殿重

王之賓赤周里人

明因寺在鎮中西茅橋南陳後主惡之御史里人胡敏
平鎮沈為湖後主惡之御史里人胡敏

杭縣志稿 卷二十五

六十七

請建以厭水災尼寺也寺有宋徽宗敕賜御書
一十二字恭聖仁烈皇后三十二字

地得優婆勝名因後主傳洗妝鳴玉磬施鏡禮金仙

笕落花隨逝垣頽月自懸六朝餘綺麗臨眺欲潛然

郭孝寬西韋里人

冰骨泉在鎮西北三里安山下宋人沈汝諧有
詩萬曆中郭氏建亭于泉側名山舟傍

泉有冰

憶昔留泉石何年草莽侵響隨清澗落源共白雲深

竹靜涵朝翠松高覆夕陰不須愁寂寞幽意托孤岑

徐忠振格王里人

安隱寺在鎮西二里臨平安山南唐交泰元年吳
越王錢元瓘建名安平舊名永興宋治

平二年改今額其東為一清慧空日昭大慈等
庵西為圓教寺像光寺南為掃花居為殷家洪
植梅之所

何年安隱寺遺蹟翠微前苔色牆頭字松聲戶外泉
巖林藏寶地山殿鎖秋烟卻喜囂塵寂端居忘世緣

呂明德福持里人

細礪洞在鎮西臨平山巔俗名
早洞洞出細礪石

洞戶何深杳幽靜絕世氛蛇盤嘗起霧佛古自生雲
採藥春應駐攀蘿日未曛不須求赤土越砥試龍文
唐宏基子翼

向上庵在鎮西十里佛日寺
宋蘇軾讀書處

杭縣志稿

卷二十五

六十八

妙理原無上追趨達者情結廬塵絕點跌座觀三生
雲映虛潭靜花隨樵路平偶然來憩足應悟世身輕

臨平湖在鎮東南五里一名鼎湖又名東湖又
名東江湖有四閘周十里許

浦澗奮飛龍潭深治忽通僧扉連荇綠隄鷺逐霞紅
灌溉懷居易清連篤褚公湖源今赤否寶鼎幾重隆
沈聖清叔義里人

月華庵在鎮北一里宋咸淳九年俞氏捨地建
精舍又名悲花庵有靈鑑塔其南為李
笏庵

施地結祇園經過鳥亂喧溪雲當畫淺野衲向宵繁
舍利明蘿塔天花繞梵軒坐深忘妙界竹裏聽潺湲

徐剛振安人

白龍廟

在鎮西臨平山上有室女感靈光而孕產一白蛇有異人至曰此白龍神

托胎也祝之即躍入孟中捧至山顛水洞從此靈驗大著宋時載在祀典淳祐七年大旱禱雨有應理宗遣使降香寶祐五年苦雨禱晴復應更命增剏一門以旌之六年旱復應禱碑版尚存

白龍遺往蹟野老僅傳聞苔澗泉聲落藤垣鳥路分

山高寒抱日屋冷暗生雲欲共留吟處空林水葉紛

梅調鼎修予

瓶山 在鎮中宋時沽官酒處

積土旗亭傍偏宜候月明有寮供木佛無酒出瓷罌

地轉人家列山低雲樹清滄桑悲往事幾度釀新成

杭縣志稿

卷二十五

六十九

應大觀 我人生

藕花洲 在鎮西三里宋僧參寥有詩東坡為書刻石宗婦曹夫人者善丹青遂作臨平

藕花圖其上為趙氏世居引清別業

幽徑攬平蕪芳洲擬雪膚雲飛斜澗疾山入亂烟孤

舊社磨題刻新吟感畫圖誰憐今杜若輞水寫花姑

勞鳴謙

曲竹鳴 在鎮西四里安隱寺西唐邱丹隱處后羽化去葉杖於此生竹皆曲咸可為杖其種

至今不絕宋麟有詩

仙人垂老去舉袂便遺筇鳩節疑來鳳虬枝不化龍

泉聲曲自合露彩翠多重何日洪厓過相扶到九峯

沈聖旭輔人

桐扣山在鎮西十里晉武帝時臨平岸崩出一

石鼓中桐材刻為魚形扣之則鳴矣于是如其言

湖鼓

石鼓知何處蒼茫萬壑秋風雲迷虎穴松竹抱僧樓

清咏增幽興憑高亦壯遊今來誰博物欲問已悠悠

潘雲赤夏人

龍興寺在鎮中宋宣和七年因東湖水溢建庵

特賜幸本寺今額

古寺開南宋函湖勢已分斷鐘沈戍火陰殿落山雲

杭縣志稿 卷二十五

七十

估舶晴溪集農謠遠岸聞轉思游幸日紫蓋結龍文

沈聖昭弘人

丁姥冢在鎮西十里桐扣山東

丁墓西山裏蒼蒼一望孤夜台空落月神路有啼鳥

黃草愁心切低雲淚眼枯九原不可作刻木感吾徒

時昭丁人

沈廣震武人

桂芳橋在鎮中舊名茅橋宋時里人徐宣與弟

道後同登進士垓居榜首鄉人號曰一門三秀

市橋遺故宅耆舊已曾聞齒出重湖雨欄看遠岫雲

土風猶朴畧，兵燹尚紛紜。憑弔吾曹在，晴川又夕曛。
釋智潤雲濤里人

廣嚴寺

在鎮中。晉時建。唐玄覽法師隱此。嘗浚

年。集賢學士徐安貞撰碑。初名華嚴寺。宋治平

中。改今額。紹興初。高宗召寺僧淨作草書。淨書

名花。傾國一詩。以諷。因賜罷。

烟雨前朝寺，巍然丹碧居。水香浮貝葉，花綻映金渠。
松憇玄公錫，碑橫隋氏書。千年興廢跡，祖道慨秋餘。

